

B
C 2015 年 11 月 9 日

D 上午 9 時 59 分恢復聆訊

E 出席人士：鄭欣琪大律師，為外聘律師，代表食水含鉛超標調查委員會
F 顧增海律師行蕭嘉業律師，代表有利建築有限公司、明合有
G 限公司及伍克明

H 主席：蕭健煌先生同埋莫海光先生，唔該帶佢哋兩位一齊嚟吓，唔該。可
H 以坐喺我哋前面得啲嘞，呢度，Bar table 呢度。

I 請上嚟呢度。請上嚟前面，係呀，前面嗰兩個位得啲嘞，最前嗰
I 兩個位。再前啲吓。

J 鄭小姐：呢度，呢度。 J

K 主席：再前啲，係。請坐。邊位係蕭先生？ K

L 莫先生：吓？ L

M 主席：蕭先生。你就係莫先生，係咪？ M

N 莫先生：係呀，係。 N

O 主席：我就係今次專責調查委員會嘅主席，我就係陳慶偉法官。坐喺我隔
O 籬就係另外一個專員，就係黎先生，黎年先生。

P 就我哋較早之前就曾經出過兩張證人傳票就畀兩位嘅，咁就要求
P 兩位就今日就係朝頭早 10 點鐘就出庭。因為我哋係知道兩位都係有
Q 利嘅分判商嚟嘅，就係曾經處理過我哋而家正在調查嘅十一條屋邨
Q 嘅--搵到有超標鉛喺食水裏面嘅問題。

R 咁樣樣就係如果你哋有睇清楚嗰張傳票，個傳票上高就寫住就係
R 要求你兩位今日出庭作證--作為證人，直至到呢一個研訊係終結為
S 止。不過當然我哋就唔會麻煩你日日都嚟我哋呢個委員會，嗰時間喺
S 度白等嘅。
T

U 今日最主要係想同你哋講嘅就係，首先，我就想問一問你哋兩
U 位，當然唔係一定要嘅，不過你哋會唔會打算係請律師㗎？
V

A
B
C
D
E
F
G
H
I
J
K
L
M
N
O
P
Q
R
S
T
U
V

A
B
C
D
E
F
G
H
I
J
K
L
M
N
O
P
Q
R
S
T
U
V

莫先生：請唔起呀，冇。

主席：請唔起，得。

蕭先生：嘎，請唔起。

主席：得，唔緊要。其實，兩位，都有乜所謂嘅，因為其實我哋呢個調查委員會基本上就係獨立嘅，咁我哋又冇任何嘅立場嘅。我哋有我哋自己自嘅律團隊。

因為你哋曾經係有利嘅分判商，所以我哋就相信你嘅證供係同今次嘅研訊係有關係嘅，所以就邀請你哋兩位做證人。而喺做證人嘅同時，亦都係邀請你哋兩位係畀一份證人供詞我哋。呢一份證人供詞基本上就係講番你哋過往喺同有利--承接有利呢啲水務工程嘅時候嗰啲程序、情況，即係就住有利所承辦嗰幾條屋邨，六條，我相信係。

鄭小姐：係，正確嘅，六條。

主席：咁樣樣就講番當時嘅情況出嚟。

咁樣樣其實就係我哋嘅律師，就坐喺你隔離嗰位就係鄭大律師，咁坐喺後面嘅就係我哋調查委員會嘅律師團嘅律師，事務律師代表，咁佢哋就會邀請你哋兩位就係落一份--就講番嗰件事嘅發生經過。佢哋會有啲問題問你，咁樣亦都係希望係同你哋攞一份嘅證人供詞。咁樣樣就攞咗呢份證人供詞之後，稍後如果我哋認為係有需要嘅話，就會傳召兩位係出庭係畀證供。至於實際上幾時畀證供，邊一日畀證供，我哋而家就係未決定到。不過我哋就會係事前係會畀充足嘅時間係通知你哋兩位。譬如我哋話，話邊一月邊一日，星期幾，我哋想你嚟畀口供嘅話，咁就希望你哋兩位係可以嚟到畀口供，明白吖嘛？

因為其實你哋個證人傳票已經係--因為我哋其實就唔想你每一日都喺度嗰時間喺度等，所以我就會咁樣樣安排，就希望你哋係盡量係配合。

咁樣樣就如果你哋方便嘅話，就律師團隊一陣間就可以見你哋兩位。

莫先生：可以，冇問題。

主席：嘎，冇問題。咁如果你哋話「啊，我有--今日唔係咁多時」--我唔

知佢哋有幾多問題想問你。如果你話「啊，我今日有其他好多事要做，今日未必可以畀到咁多時間律師團隊」，咁你哋亦都可以再約過一個時間，大家再見面都得。明白吖嘛？

莫先生：明白。

主席：你亦都可能話，因應律師團隊所問嘅問題，你可能話「啊，我要返去公司或者返去寫字樓或者返去屋企抄番一啲文件、搵番一啲文件出嚟，去證明我當時做過啲乜嘢，因為有陣時唔記得嘅」，咁都得。總之就係如果你哋話需要啲時間去搵文件嘅，你就同我個律師團隊就講，明白吖嘛？

你畀晒所有嘅文件佢哋，同佢哋講晒所有你哋要想講嘅說話之後，跟住如果我哋認為有需要嘅話，就會喺稍後嘅時間，即係唔係今日喇，就可能係11月、12月嘅時間，就叫兩位出嚟係畀證供嚟嘞，有冇問題？

蕭先生：冇問題。

主席：冇問題。明白吖嘛，係咪？

蕭先生：明白。

主席：基本上我哋就係今日基本上就係想通知你哋呢一啲事項嘅啫，同埋就希望你哋--因為既然--橫掂都一場嚟到嘞，就不如今日同我哋嘅律師團隊講埋，究竟你哋--即係佢哋有啲乜嘢嘢想問你，咁你就答住佢哋一啲問題先。

蕭先生：係喇。

主席：如果你哋再需要多啲時間嘅，咁你再返去再搵。蕭生、莫生，都明白吖嘛？

莫先生：明白。

蕭先生：明白。

主席：基本上就係咁多嚟嘞，今日。咁就有冇任何嘅事唔明白？

莫先生：因為我想澄清先呢，因為我哋上次都嚟過嘞。上次，第一次，即係20號嗰次都有嚟，唔係唔嚟呀，...

A
B
C
D
E
F
G
H
I
J
K
L
M
N
O
P
Q
R
S
T
U
V

A
B
C
D
E
F
G
H
I
J
K
L
M
N
O
P
Q
R
S
T
U
V

主席：嗰次都有嚟講，係。

莫先生：...不過我哋擺咗烏籠，又唔識問番，佢嗌我哋喺度旁聽坐，嗰度坐咗一日，都係旁聽。

主席：係。

莫先生：係呀，嗰次嚟過㗎嘞，我哋兩個都嚟過㗎嘞。

主席：係，得，好。

莫先生：係喇。唔係話唔配合，唔係，唔係。

主席：唔係，我都...

莫先生：已經我哋嚟過一次㗎嘞。因為我哋唔識，又唔識上面寫啲英文，我哋梗係全部都唔識。

主席：唔，我明白。

莫先生：係喇。

主席：係。

莫先生：我哋坐咗一日嘅，嗰日嚟旁聽。

主席：得。咁就好多謝你哋10月20號嚟咗喇。

莫先生：係，係。

主席：咁就希望你哋繼續可以同我哋個調查委員會合作，好唔好？講番所有你哋知嘅事實出嚟，話畀我哋聽。

仲有冇其他問題？

蕭先生：冇。

莫先生：冇。

主席：冇其他問題，好嘞，咁我哋今日就散庭。咁你跟住可以跟住鄭大律師，或者後嗰兩位律師，咁跟住睇下佢哋有啲咩嘢地方係想你幫手嘅。

莫先生：好。

A
B
C
D
E
F
G
H
I
J
K
L
M
N
O
P
Q
R
S
T
U
V

A
B
C
D
E
F
G
H
I
J
K
L
M
N
O
P
Q
R
S
T
U
V

主席：好唔好？好，唔該晒。

2015年11月9日

上午10時08分聆訊押後